



Broj: 07-06-15-32628/26  
Sarajevo, 02.07.2026. godine

Na osnovu člana 4. stav (1) Pravilnika o postupcima u provođenju programa razvoja male privrede ("Službene novine Kantona Sarajevo", broj 17/25 i 18/26), a u skladu sa Odlukom o usvajanju Godišnjeg plana provođenja Programa razvoja male privrede za 2026. godinu, broj: 02-04-22645-35/26 od 30.04.2026. godine koja je donesena na 126. vanrednoj sjednici Vlade Kantona Sarajevo održanoj 30.04.2026. godine, Ministarstvo privrede Kantona Sarajevo objavljuje

**JAVNI POZIV**  
**za dostavljanje prijave u svrhu dodjele**  
**finansijskog poticaja sa inkubacijom za novoosnovane poslovne subjekte**

**I PREDMET POZIVA**

Predmet ovog Javnog poziva je dodjela finansijskog poticaja sa inkubacijom subjektima male privrede koji su kao takvi definisani Zakonom o poticaju razvoja male privrede ("Službene novine Kantona Sarajevo", broj 29/15) (u daljnjem tekstu: subjekt male privrede) i koji su registrovani u periodu od 01.01.2026. godine do roka za dostavljanje dokaza o registraciji iz ovog Javnog poziva.

**II DJELATNOSTI OBUHVAĆENE POZIVOM**

**Tabela 1. Popis registrovanih osnovnih djelatnosti obuhvaćenih Javnim pozivom**

Popis registrovanih osnovnih djelatnosti obuhvaćenih Javnim pozivom		
Područje prema KD BiH 2010	Naziv područja prema KD BiH 2010	Obuhvaćene šifre djelatnosti iz područja prema KD BiH 2010
J	Informacije i komunikacije	58.21 Izdavanje računarskih igara
		58.29 Izdavanje ostalog softvera
		62.01 Računarsko programiranje
		62.02 Savjetovanje u vezi s računarima
		62.03 Upravljanje računarskom opremom i sistemom
		62.09 Ostale uslužne djelatnosti u vezi s informacijskom tehnologijom i računarima
		63.11 Obrada podataka, usluge hostinga i djelatnosti u vezi s njima
M	Stručne, naučne i tehničke djelatnosti	69.10 Pravne djelatnosti
		69.20 Računovodstvene, knjigovodstvene i revizijske djelatnosti; porezno savjetovanje
		70.10 Upravljačke djelatnosti

		70.21 Odnosi s javnošću i djelatnosti saopćavanja
		70.22 Savjetovanje u vezi s poslovanjem i ostalim upravljanjem
		71.11 Arhitektonske djelatnosti
		71.12 Inženjerske djelatnosti i s njima povezano tehničko savjetovanje
		72.19 Ostalo istraživanje i eksperimentalni razvoj u prirodnim, tehničkim i tehnološkim naukama
		72.20 Istraživanje i eksperimentalni razvoj u društvenim i humanističkim naukama
		73.11 Agencije za promociju (reklamu i propagandu)
		73.20 Istraživanje tržišta i ispitivanje javnog mnijenja
		74.10 Specijalizirane dizajnerske djelatnosti
		74.30 Prevodilačke djelatnosti i usluge tumača
		74.90 Ostale stručne, naučne i tehničke djelatnosti
N	Administrativne i pomoćne uslužne djelatnosti	78.10 Djelatnosti agencija za zapošljavanje
		78.20 Djelatnosti agencija za privremeno zapošljavanje
		78.30 Ostalo ustupanje ljudskih resursa
		79.11 Djelatnosti putničkih agencija
		82.11 Kombinirane kancelarijske administrativne uslužne djelatnosti
		82.19 Fotokopiranje, priprema dokumenata i ostale specijalizirane kancelarijske pomoćne uslužne djelatnosti
		82.20 Djelatnosti pozivnih centara
		82.30 Organizacija sastanaka i poslovnih sajmova
		82.91 Djelatnosti agencija za prikupljanje i naplatu računa te kreditnih kancelarija
		82.99 Ostale poslovne pomoćne uslužne djelatnosti, d.n.

### III PRAVO UČEŠĆA

Po ovom Javnom pozivu, pravo učešća u postupku dodjele poticajnih finansijskih sredstava i dodjele podrške korištenja **Inkubatora Centra za razvoj poduzetništva JU "Centar za napredne tehnologije u Sarajevu"** koji se nalazi na adresi: **Vilsonovo šetalište broj 9, 71000 Sarajevo** (u daljnjem tekstu: Inkubator) ima punoljetno fizičko lice koje u momentu dostavljanja prijave na Javni poziv nije napunilo 36 godina života, u skladu sa pravilima iz Poglavlja VI ovog Javnog poziva.

Pravo učešća u postupku dodjele poticajnih finansijskih sredstava i dodjele podrške korištenja Inkubatora ima subjekt male privrede u skladu sa pravilima iz Poglavlja VII ovog Javnog poziva.

### IV IZNOS SREDSTAVA

**A. Ukupan planirani iznos sredstava (limit finansijskih sredstava):** Ukupan planirani iznos sredstava (limit) za poticaj prihvatljivih troškova po ovom Javnom pozivu je 660.000,00 KM, a ova finansijska sredstva utvrđena su u Budžetu Kantona Sarajevo za 2026. godinu, na poziciji Ministarstva privrede Kantona Sarajevo - "Poticaj razvoju male privrede", ekonomski kod 614500, subanalitika IAP 005 i planirana u Godišnjem planu provođenja Programa razvoja male privrede za 2026. godinu, broj: 02-04-22645-35.1/26 od 30.04.2026. godine (u daljnjem tekstu: Godišnji plan). Sredstva za pružanje podrške besplatne inkubacije obezbijedena su u Budžetu Kantona Sarajevo za 2026. godinu, na poziciji JU "Centar za napredne tehnologije u Sarajevu".



**B. Ukupan broj kancelarija u Inkubatoru (limit dostupnog kancelarijskog prostora):** Ukupan broj kancelarija koje su dostupne za korištenje korisnicima Inkubatora je 22.

**C. Maksimalni iznos poticajnih finansijskih sredstava po pojedinačnom korisniku:** Maksimalni iznos finansijskih poticajnih sredstava po pojedinačnom korisniku je 30.000,00 KM za prihvatljive troškove iz Poglavlja V ovog Javnog poziva.

**D. Maksimalna podrška korištenja Inkubatora po pojedinačnom korisniku:** Po ovom Javnom pozivu, subjekt male privrede koji zaključi ugovor o dodjeli poticajnih sredstava ostvaruje pravo korištenja maksimalno jedne kancelarije u Inkubatoru na period od jedne godine. Ova podrška uključuje korištenje predmetnog kancelarijskog prostora bez naknade, korištenje zajedničke kuhinje, besplatne režijske troškove i ostale pogodnosti prostora Inkubatora koje budu definisane odnosnim ugovorom o njegovom korištenju.

## **V PRIHVATLJIVI I NEPRIHVATLJIVI TROŠKOVI**

**Prihvatljivi troškovi koji su predmet poticaja po tački C. Poglavlja IV ovog Javnog poziva su:**

1. Troškovi registracije i početni troškovi neophodni za uspostavljanje funkcionalnosti poslovnog subjekta u iznosu do 1.000,00 KM uz odgovarajuće dokaze koji će biti precizirani ugovorom o dodjeli poticajnih sredstava (npr. troškovi taksi, advokatske usluge, računovodstvene usluge, troškovi kopiranja i ovjeravanja dokumenata, izrada pečata i sl.);
2. Troškovi nabavke mašina, alata i ostale opreme neophodne za obavljanje osnovne registrovane djelatnosti (npr. nabavka fiskalne kase, nabavka potrebne opreme, sirovina, repromaterijala i mašina, IT opreme, softvera i sl.) uz odgovarajuće dokaze koji će biti precizirani ugovorom o dodjeli poticajnih sredstava;
3. Troškovi plaće i/ili obaveznih doprinosa, kao osnovnih instrumenata za finansiranje obaveznog penzijskog i invalidskog osiguranja, zdravstvenog osiguranja i osiguranja od nezaposlenosti (u daljnjem tekstu: doprinosi) za šest mjeseci u maksimalnom iznosu od 1.000,00 KM po mjesecu, isključivo za većinskog vlasnika korisnika sredstava koji mora biti zaposlen na puno radno vrijeme, uz odgovarajuće dokaze koji će biti precizirani ugovorom o dodjeli poticajnih sredstava.
4. Troškovi marketinga, uz odgovarajuće dokaze koji će biti precizirani ugovorom o dodjeli poticajnih sredstava.

### **Neprihvatljivi troškovi su:**

1. Osnivački kapital ukoliko je predviđeno osnivanje pravnog lica (d.o.o.);
2. Plaće i doprinosi na plaće u iznosu većem od iznosa koji je definiran kao prihvatljivi trošak i za lica koja nisu odabrani podnosioci prijave i većinski osnivači/vlasnici podnosioca prijave po ovom Javnom pozivu;
3. Nabavka opreme i mašina od lica koja nisu registrovani poslovni subjekti, kao i nabavka opreme i mašina starijih od deset godina;
4. Vanjski građevinski radovi i kupovina/najam svih vrsta motornih vozila, izuzev teretnih vozila i radnih mašina;
5. Nadoknade za projektne partnere koji su angažirani na implementaciji aktivnosti;
6. Dugovanja i rezerve za gubitke;
7. Dugovanja po kamati;
8. Troškovi režija i održavanja (voda, struja, grijanje, komunalni otpad, telekomunikacije, upravljanje zgradom, internet i sl.);
9. Kupovina, obnova, rekonstrukcija, modernizacija objekata za ličnu upotrebu;
10. Kupovina, obnova, rekonstrukcija, modernizacija objekata za najam ili prodaju;
11. Doprinosi za dobrovoljna zdravstvena ili mirovinska osiguranja koja nisu obavezna prema zakonodavstvu;
12. Kazne i troškovi sudskog spora;



13. Bankovni troškovi za otvaranje i vođenje računa, naknade za finansijske transfere i drugi troškovi u potpunosti finansijske prirode;
14. Trošak police osiguranja imovine (uključuje i imovinu nabavljenu iz projekta);
15. Studijske posjete i troškovi reprezentacije;
16. Troškovi po osnovu kojih je ostvareno finansiranje u sklopu nekog drugog projekta;
17. Kupovina i iznajmljivanje zemljišta i postojećih zgrada;
18. Troškovi konverzije, nadoknada ili gubici prilikom konverzije valuta;
19. Kreditiranje trećih osoba; i
20. Ostali troškovi nespomenuti kao prihvatljivi i koji nisu relevantni za implementaciju biznis plana, te svi troškovi plaćeni gotovinom.

**Napomena:** Poticajna sredstva mogu se koristiti samo za one prihvatljive troškove koji su nastali i plaćeni nakon objave Obavještenja o ovom Javnom pozivu u "Službenim novinama Kantona Sarajevo", a u ime i za račun poslovnog subjekta u većinskom vlasništvu odabranog podnosioca prijave (fizičkog lica) ili u ime i za račun odabranog registrovanog subjekta male privrede.

## VI PRAVILA UČEŠĆA ZA FIZIČKA LICA

Pravo učešća u postupku dodjele podrške po ovom Javnom pozivu ima fizičko lice iz Poglavlja III ovog Javnog poziva (u daljnjem tekstu: fizičko lice):

- 1) ako je državljanin Bosne i Hercegovine,
- 2) ako ima prebivalište na području Kantona Sarajevo;
- 3) ako ima kvalitetnu poslovnu ideju koja je kroz proces cjelovitog planiranja razvijena u perspektivan poslovni model predložen u formi biznis plana,
- 4) ako je izradilo biznis plan u skladu sa ekonomskim standardima, koji obavezno uključuje ukupna sredstva za realizaciju ovog biznis plana, kao i obezbijedena sopstvena sredstva i/ili kreditna sredstva i poticajna grant sredstva za realizaciju biznis plana,
- 5) ako u biznis planu nije predvidjelo korištenje poticajnih finansijskih sredstava za neprihvatljive troškove iz Poglavlja V ovog Javnog poziva,
- 6) ako do dana podnošenja prijave, po istom osnovu nije koristilo poticajna sredstva iz drugih izvora,
- 7) ako je spremno registrovati vlastiti poslovni subjekt u slučaju da bude odabrano kao korisnik predmetnih poticajnih grant sredstava,
- 8) ako je spremno osigurati vlastito sufinansiranje realizacije biznis plana od minimalno 10% od ukupne vrijednosti odobrenih poticajnih finansijskih sredstava iz ovog programa,
- 9) ako njegova poslovna ideja (uobličena i razvijena u biznis planu) jeste aktivnost koja se može identificirati i registrovati kao osnovna djelatnost poslovnog subjekta prema klasifikaciji djelatnosti KD BiH 2010 ("Službeni glasnik BiH", broj 47/10) iz Poglavlja II Tabele 1. ovog Javnog poziva,
- 10) ako je dostavilo prijavu u skladu sa ovim Javnim pozivom,
- 11) ako ispunjava sve ostale uslove iz ovog Javnog poziva i
- 12) ako je primjenom kriterija za odabir korisnika sredstava iz Poglavlja X Tabela 3. ovog Javnog poziva i limita iz tačaka A. i B. Poglavlja IV ovog Javnog poziva odabrano kao korisnik sredstava.

### VI.1 SADRŽAJ PRIJAVE NA JAVNI POZIV

Za fizička lica ovaj Javni poziv provodi se u dvije faze i to, kako slijedi:

#### VI.1.1 I faza provođenja Javnog poziva

U I fazi provođenja ovog Javnog poziva podnosilac prijave (fizičko lice) prilikom apliciranja na Javni poziv obavezan je dostaviti:

- 1) **Prijavni obrazac**, uredno popunjen i ovjeren potpisom podnosioca prijave (original);



## 2) **Isprave i dokumentaciju**, kako slijedi:

- a) Biznis plan, ovjeren potpisom podnosioca prijave, sačinjen u skladu sa ekonomskim standardima i sa sadržajem iz Poglavlja X Tabele 2. ovog Javnog poziva (original);
- b) Uvjerenje o državljanstvu Bosne i Hercegovine ne starije od 90 dana od dana objave Obavještenja o ovom Javnom pozivu u "Službenim novinama Kantona Sarajevo" (original ili fotokopija ovjerena od nadležnog organa - općina/notar);
- c) CIPS prijavu mjesta boravka ne stariju od 90 dana od dana objave Obavještenja o ovom Javnom pozivu u "Službenim novinama Kantona Sarajevo" (original ili fotokopija ovjerena od nadležnog organa - općina/notar);
- d) Izjavu podnosioca prijave u originalu (Prilog 1. Javnog poziva), ovjerenu potpisom podnosioca prijave, te dodatno ovjerenu od nadležnog organa - općina/notar, kojom podnosilac prijave pod punom moralnom, materijalnom i krivičnom odgovornošću potvrđuje:
  - i. da do dana podnošenja prijave na ovaj Javni poziv nije koristio poticajna sredstva koja potiču iz Budžeta Kantona Sarajevo i/ili budžeta jedinica lokalnih samouprava, Javne ustanove "Služba za zapošljavanje Kantona Sarajevo", Sarajevo, Federalnog zavoda za zapošljavanje ili donatorskih organizacija za iste aktivnosti za koje je podnio prijavu na ovaj Javni poziv, odnosno da nije zaključio ugovor o dodjeli grant sredstava koja potiču iz prednje navedenih izvora,
  - ii. da će, ako zaključi ugovor o dodjeli poticajnih sredstava po ovom Javnom pozivu, lično on ili poslovni subjekt kojeg namjerava registrovati u svom većinskom vlasništvu, iz svojih izvora ili drugih izvora koja nisu poticajna sredstva dodijeljena po ovom Javnom pozivu obezbijediti dodatna sredstva u iznosu od minimalno 10% sredstava od ukupnog odobrenog iznosa po osnovu ovog Javnog poziva, kao i da će ta dodatna sredstva biti obezbijedena u ime i za račun poslovnog subjekta u njegovom većinskom vlasništvu,
  - iii. da podnosilac prijave nije u sukobu interesa u smislu Zakona o prevenciji i suzbijanju korupcije u Kantonu Sarajevo ("Službene novine Kantona Sarajevo", br. 35/22, 44/22 i 55/22) u slučaju zaključivanja ugovora o dodjeli poticajnih sredstava na osnovu ovog Javnog poziva,
  - iv. da je saglasan da rezultat ovog Javnog poziva bude objavljen na web stranici Ministarstva privrede Kantona Sarajevo i
  - v. da je saglasan da Ministarstvo privrede Kantona Sarajevo i Komisija za izbor korisnika poticajnih sredstava po ovom Javnom pozivu mogu obrađivati dokumente kojima se dokazuje njegov lični identitet i lični identitet drugih lica u vezi sa predmetnom prijavom shodno odredbama Zakona o zaštiti ličnih podataka ("Službeni glasnik Bosne i Hercegovine", broj 12/25).

### VI.1.2 II faza provođenja Javnog poziva

U II fazi provođenja ovog Javnog poziva, podnosilac prijave (fizičko lice) odabran odlukom Vlade Kantona Sarajevo, prije zaključivanja ugovora o dodjeli poticajnih sredstava obavezan je dostaviti:

#### 1) **Isprave i drugu dokumentaciju**, kako slijedi:

- a) Rješenje o registraciji poslovnog subjekta u većinskom vlasništvu odabranog podnosioca prijave u kojem je evidentirano da je sjedište ovog poslovnog subjekta u Inkubatoru, izdato od strane nadležnog organa (original ili fotokopija ovjerena od nadležnog organa - općina/notar);
- b) Ugovor o korištenju kancelarijskog prostora Inkubatora bez naknade zaključen između poslovnog subjekta u većinskom vlasništvu odabranog podnosioca prijave i JU "Centar za napredne tehnologije u Sarajevu" (original ili fotokopija ovjerena od nadležnog organa - općina/notar);



- c) Uvjerenje o registraciji poreznog obveznika (poslovnog subjekta u većinskom vlasništvu odabranog podnosioca prijave), izdato od strane Porezne uprave Federacije BiH - Kantonalni porezni ured Sarajevo (original ili fotokopija ovjerena od nadležnog organa - općina/notar);
- d) Obavještenje o razvrstavanju poslovnog subjekta u većinskom vlasništvu odabranog podnosioca prijave prema klasifikaciji djelatnosti, izdato od strane Federalnog zavoda za statistiku Sarajevo - Služba za statistiku za područje Kantona Sarajevo (original ili fotokopija ovjerena od nadležnog organa - općina/notar);
- e) Potvrdu o otvorenom glavnom transakcijskom računu ili ugovor o otvorenom glavnom transakcijskom računu (original ili fotokopija ovjerena od nadležnog organa - općina/notar);
- f) Obrazac JS 3100 - prijava osiguranja odabranog podnosioca prijave zaposlenog na puno radno vrijeme u poslovnom subjektu koji je u njegovom većinskom vlasništvu, izdat od Porezne uprave Federacije BiH - Kantonalni porezni ured Sarajevo (original ili fotokopija ovjerena od nadležnog organa - općina/notar);
- g) Uvjerenje Općinskog suda u Sarajevu kojim pravno lice/poslovni subjekt u većinskom vlasništvu odabranog podnosioca prijave dokazuje da pred sudovima na području Bosne i Hercegovine nije podignuta optužnica protiv njega koja je stupila na pravnu snagu, odnosno da nije potvrđena optužnica, a niti je izrečena osuđujuća presuda za krivično djelo sa propisanom kaznom zatvora do pet godina ili novčanom kaznom kao glavnom kaznom (original ili fotokopija ovjerena od nadležnog organa);
- h) Izjavu ovlaštenog lica poslovnog subjekta u većinskom vlasništvu odabranog podnosioca prijave, u originalu (Prilog 2. Javnog poziva), ovjerenu potpisom ovlaštenog lica, te dodatno ovjerenu od nadležnog organa - općina/notar, kojom ovlašteno lice pod punom moralnom, materijalnom i krivičnom odgovornošću potvrđuje:
  - i. da do dana zaključivanja ugovora o dodjeli poticajnih sredstava po ovom Javnom pozivu poslovni subjekt u većinskom vlasništvu odabranog podnosioca prijave u kojem je ovlašteno lice, kao ni odabrani podnosilac prijave nisu koristili poticajna sredstva koja potiču iz Budžeta Kantona Sarajevo i/ili budžeta jedinica lokalnih samouprava, Javne ustanove "Služba za zapošljavanje Kantona Sarajevo", Sarajevo, Federalnog zavoda za zapošljavanje ili donatorskih organizacija za iste aktivnosti iz biznis plana odabranog podnosioca prijave, odnosno da nisu zaključili ugovor o dodjeli grant sredstava koja potiču iz prednje navedenih izvora,
  - ii. da odgovorno lice u poslovnom subjektu u kojem je većinski vlasnik podnosilac prijave i/ili ovaj poslovni subjekt nisu u sukobu interesa u smislu Zakona o prevenciji i suzbijanju korupcije u Kantonu Sarajevo ("Službene novine Kantona Sarajevo", br. 35/22, 44/22 i 55/22) u slučaju zaključivanja ugovora o dodjeli poticajnih sredstava na osnovu ovog Javnog poziva,
  - iii. da je saglasan da Ministarstvo privrede Kantona Sarajevo može obrađivati dokumente kojima se dokazuje njegov lični identitet i lični identitet drugih lica u vezi sa predmetnom prijavom shodno odredbama Zakona o zaštiti ličnih podataka ("Službeni glasnik BiH", broj 12/25);
- i) Bjanko ovjerenu mjenicu (original);
- j) Mjениčnu izjavu popunjenu u štampanoj formi (Prilog 3. Javnog poziva) (original).

#### Posebne napomene:

- Podnosilac prijave (fizičko lice) odabran odlukom Vlade Kantona Sarajevo prije zaključenja ugovora o dodjeli poticajnih sredstava ima obavezu da registruje poslovni subjekt u svom većinskom vlasništvu i da dostavi cjelokupnu dokumentaciju iz Poglavlja VI.1.2 ovog Javnog



poziva Ministarstvu privrede Kantona Sarajevo. Ugovorom o dodjeli poticajnih sredstava definisat će se svi detalji i pravila korištenja predmetnih poticajnih sredstava (prava i obaveze ugovornih strana).

- Korisnik sredstava ima obavezu da posluje minimalno jednu godinu, počev od dana početka korištenja prostorija Inkubatora, a u tom periodu mu nije dozvoljeno otuđenje osnovnih sredstava finansiranih poticajnim sredstvima dodijeljenim po ovom Javnom pozivu.
- Krajnji rok za zaključivanje ugovora sa poslovnim subjektom (korisnikom sredstava), koji je u većinskom vlasništvu odabranog podnosioca prijave (fizičkog lica) i koji Ministarstvu privrede Kantona Sarajevo dostavi dokumentaciju iz Poglavlja VI.1.2 ovog Javnog poziva do dana 18.12.2026. godine je 31.12.2026. godine.
- Shodno članu 8. stav (3) Pravilnika o postupcima u provođenju programa razvoja male privrede ("Službene novine Kantona Sarajevo", br. 17/25 i 18/26), dokumentacija dostavljena po Javnom pozivu ne vraća se podnosiocu prijave.

## VII PRAVILA UČEŠĆA ZA REGISTROVANE SUBJEKTE MALE PRIVREDE

Pravo učešća u postupku dodjele podrške po ovom Javnom pozivu ima subjekt male privrede iz Poglavlja III ovog Javnog poziva (u daljnjem tekstu: subjekt male privrede):

- 1) ako ima sjedište na području Kantona Sarajevo,
- 2) ako je registrovan u periodu od 01.01.2026. godine do dana dostavljanja prijave na ovaj Javni poziv,
- 3) ako ima najmanje jednog zaposlenika,
- 4) ako je u većinskom vlasništvu fizičkog lica, državljanina Bosne i Hercegovine, sa prebivalištem na području Kantona Sarajevo, koje nije navršilo 36 godina starosti u momentu dostavljanja prijave na Javni poziv,
- 5) ako je fizičko lice iz tačke 4) ovog Poglavlja zaposleno na puno radno vrijeme kod podnosioca prijave,
- 6) ako ima kvalitetnu poslovnu ideju koja je kroz proces cjelovitog planiranja razvijena u perspektivan poslovni model predložen u formi biznis plana,
- 7) ako je izradio biznis plan u skladu sa ekonomskim standardima, koji obavezno uključuje ukupna sredstva za realizaciju ovog biznis plana, kao i obezbijedena sopstvena sredstva i/ili kreditna sredstva i poticajna grant sredstva za realizaciju biznis plana,
- 8) ako u biznis planu nije predvidio korištenje poticajnih finansijskih sredstava za neprihvatljive troškove iz Poglavlja V ovog Javnog poziva,
- 9) ako do dana podnošenja prijave, po istom osnovu nije koristio poticajna sredstva iz drugih izvora,
- 10) ako je spreman osigurati vlastito sufinansiranje realizacije biznis plana od minimalno 10% od ukupne vrijednosti odobrenih poticajnih finansijskih sredstava iz ovog programa,
- 11) ako njegova poslovna ideja (uobličena i razvijena u biznis planu) jeste aktivnost koja se može identificirati i registrovati kao osnovna djelatnost poslovnog subjekta prema klasifikaciji djelatnosti KD BiH 2010 ("Službeni glasnik BiH", broj 47/10) iz Poglavlja II Tabele 1. ovog Javnog poziva,
- 12) ako je registrovan za obavljanje osnovne djelatnosti iz tačke 11) ovog Poglavlja,
- 13) ako je dostavio prijavu u skladu sa ovim Javnim pozivom,
- 14) ako ispunjava sve ostale uslove iz ovog Javnog poziva i
- 15) ako je primjenom kriterija za odabir korisnika sredstava iz Poglavlja X Tabela 3. ovog Javnog poziva i limita iz tačaka A. i B. Poglavlja IV ovog Javnog poziva odabran kao korisnik sredstava.

### VII.1 SADRŽAJ PRIJAVE NA JAVNI POZIV

Ovaj Javni poziv provodi se u dvije faze i to, kako slijedi:



## VII.1.1 I faza provođenja Javnog poziva

U I fazi provođenja ovog Javnog poziva podnosilac prijave (subjekt male privrede) prilikom apliciranja na Javni poziv obavezan je dostaviti:

- 1) **Prijavni obrazac**, uredno popunjen i ovjeren potpisom ovlaštenog lica i pečatom podnosioca prijave (original);
- 2) **Isprave i dokumentaciju**, kako slijedi:
  - a) Rješenje o registraciji podnosioca prijave izdato od strane nadležnog organa (original ili fotokopija ovjerena od nadležnog organa - općina/notar);
  - b) Uvjerenje o registraciji poreznog obveznika (podnosioca prijave), izdato od strane Porezne uprave Federacije BiH - Kantonalni porezni ured Sarajevo (original ili fotokopija ovjerena od nadležnog organa - općina/notar);
  - c) Obavještenje o razvrstavanju poslovnog subjekta (podnosioca prijave) prema klasifikaciji djelatnosti, izdato od strane Federalnog zavoda za statistiku Sarajevo - Služba za statistiku za područje Kantona Sarajevo (original ili fotokopija ovjerena od nadležnog organa - općina/notar);
  - d) Potvrdu o otvorenom glavnom transakcijskom računu ili ugovor o otvorenom glavnom transakcijskom računu (original ili fotokopija ovjerena od nadležnog organa - općina/notar);
  - e) Obrazac JS 3100 - prijava osiguranja većinskog vlasnika podnosioca prijave zaposlenog na puno radno vrijeme u ovom poslovnom subjektu, izdat od Porezne uprave Federacije BiH - Kantonalni porezni ured Sarajevo (original ili fotokopija ovjerena od nadležnog organa - općina/notar);
  - f) Biznis plan, ovjeren potpisom ovlaštenog lica i pečatom podnosioca prijave, sačinjen u skladu sa ekonomskim standardima i sa sadržajem iz Poglavlja X Tabele 2. ovog Javnog poziva (original);
  - g) Uvjerenje o državljanstvu Bosne i Hercegovine za većinskog vlasnika/osnivača podnosioca prijave, ne starije od 90 dana od dana objave Obavještenja o ovom Javnom pozivu u "Službenim novinama Kantona Sarajevo" (original ili fotokopija ovjerena od nadležnog organa - općina/notar);
  - h) CIPS prijavu mjesta boravka za većinskog vlasnika/osnivača podnosioca prijave, ne stariju od 90 dana od dana objave Obavještenja o ovom Javnom pozivu u "Službenim novinama Kantona Sarajevo" (original ili fotokopija ovjerena od nadležnog organa - općina/notar);
  - i) Izjavu ovlaštenog lica podnosioca prijave, u originalu (Prilog 4. Javnog poziva), ovjerenu potpisom ovlaštenog lica, te dodatno ovjerenu od nadležnog organa - općina/notar, kojom ovlašteno lice pod punom moralnom, materijalnom i krivičnom odgovornošću potvrđuje:
    - i. da odabrani podnosilac prijave u kojem je ovlašteno lice nije predmet stečajnog ili likvidacionog postupka ili da ovaj odabrani podnosilac prijave nije obustavio poslovnu djelatnost,
    - ii. da podnosilac prijave u kojem je ovlašteno lice nema duga po osnovu direktnih i indirektnih poreza,
    - iii. da do dana podnošenja prijave na ovaj Javni poziv podnosilac prijave u kojem je ovlašteno lice, kao ni vlasnik/osnivač podnosioca prijave nisu koristili poticajna sredstva koja potiču iz Budžeta Kantona Sarajevo i/ili budžeta jedinica lokalnih samouprava, Javne ustanove "Služba za zapošljavanje Kantona Sarajevo", Sarajevo, Federalnog zavoda za zapošljavanje ili donatorskih organizacija za iste aktivnosti iz biznis plana odabranog podnosioca prijave, odnosno da nisu zaključili ugovor o dodjeli grant sredstava koja potiču iz prednje navedenih izvora,

- iv. da će podnosilac prijave u kojem je ovlašteno lice, ako zaključi ugovor o dodjeli poticajnih sredstava po ovom Javnom pozivu, iz svojih izvora ili drugih izvora koja nisu poticajna sredstva dodijeljena po ovom Javnom pozivu obezbijediti dodatna sredstva u iznosu od minimalno 10% sredstava od ukupnog odobrenog iznosa po osnovu ovog Javnog poziva, kao i da će ta dodatna sredstva biti obezbijedena u ime i za račun podnosioca prijave,
- v. da podnosilac prijave i/ili odgovorno lice u podnosiocu prijave i/ili vlasnik/osnivač podnosioca prijave nije u sukobu interesa u smislu Zakona o prevenciji i suzbijanju korupcije u Kantonu Sarajevo ("Službene novine Kantona Sarajevo", br. 35/22, 44/22 i 55/22) u slučaju zaključivanja ugovora o dodjeli poticajnih sredstava na osnovu ovog Javnog poziva,
- vi. da je saglasan da rezultat ovog Javnog poziva bude objavljen na web stranici Ministarstva privrede Kantona Sarajevo i
- vii. da je saglasan da Ministarstvo privrede Kantona Sarajevo može obrađivati dokumente kojima se dokazuje njegov lični identitet i lični identitet drugih lica u vezi sa predmetnom prijavom shodno odredbama Zakona o zaštiti ličnih podataka ("Službeni glasnik BiH", broj 12/25).

### VII.1.2 II faza provođenja Javnog poziva

U II fazi provođenja ovog Javnog poziva, podnosilac prijave (subjekt male privrede) odabran odlukom Vlade Kantona Sarajevo, prije zaključivanja ugovora o dodjeli poticajnih sredstava obavezan je dostaviti:

#### 2) Isprave i drugu dokumentaciju, kako slijedi:

- a) Aktuelni izvod iz sudskog registra ili rješenje o promjeni sjedišta u kojem je evidentirano da je sjedište odabranog podnosioca prijave u Inkubatoru (original ili fotokopija ovjerena od nadležnog organa - općina/notar);
- b) Ugovor o korištenju kancelarijskog prostora Inkubatora bez naknade zaključen između odabranog podnosioca prijave i JU "Centar za napredne tehnologije u Sarajevu" (original ili fotokopija ovjerena od nadležnog organa - općina/notar);
- c) Uvjerenje Porezne uprave Federacije BiH o izmirenim obavezama po osnovu poreza i doprinosa sa obaveznim prilogom - Lista osiguranika za obveznika ne starije od 90 dana, s tim da na ovoj Listi osiguranika, kao uposlenik na puno radno vrijeme mora biti evidentiran većinski osnivač/vlasnik odabranog podnosioca prijave (original ili fotokopija ovjerena od nadležnog organa - općina/notar);
- d) Uvjerenje Uprave za indirektno/neizravno oporezivanje BiH o izmirenim indirektnim porezima ne starije od 90 dana (original ili fotokopija ovjerena od nadležnog organa - općina/notar), izuzev ako je podnosilac prijave dostavio uvjerenje Uprave za indirektno/neizravno oporezivanje da isti nije upisan u Jedinstveni registar obveznika indirektnih poreza;
- e) Uvjerenje Općinskog suda u Sarajevu kojim podnosilac prijave (pravno lice/poslovni subjekt) dokazuje da pred sudovima na području Bosne i Hercegovine nije podignuta optužnica protiv njega koja je stupila na pravnu snagu, odnosno da nije potvrđena optužnica, a niti je izrečena osuđujuća presuda za krivično djelo sa propisanom kaznom zatvora do pet godina ili novčanom kaznom kao glavnom kaznom ne starije od 90 dana od dana objave Obavještenja o Javnom pozivu u "Službenim novinama Kantona Sarajevo" (original ili fotokopija ovjerena od nadležnog organa - općina/notar);
- f) Uvjerenje nadležnog suda ili organa kod kojeg je registriran podnosilac prijave kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti,

ne starije od 90 dana od dana objave Obavještenja o Javnom pozivu u "Službenim novinama Kantona Sarajevo" (original ili fotokopija ovjerena od nadležnog organa - općina/notar);

- g) Izjavu ovlaštenog lica odabranog podnosioca prijave, u originalu (Prilog 5. Javnog poziva), ovjerenu potpisom ovlaštenog lica, te dodatno ovjerenu od nadležnog organa - općina/notar, kojem ovlašteno lice pod punom moralnom, materijalnom i krivičnom odgovornošću potvrđuje:
- i. da do dana zaključivanja ugovora o dodjeli poticajnih sredstava po ovom Javnom pozivu odabrani podnosilac prijave u kojem je ovlašteno lice, kao ni vlasnik/osnivač odabranog podnosioca prijave nisu koristili poticajna sredstva koja potiču iz Budžeta Kantona Sarajevo i/ili budžeta jedinica lokalnih samouprava, Javne ustanove "Služba za zapošljavanje Kantona Sarajevo", Sarajevo, Federalnog zavoda za zapošljavanje ili donatorskih organizacija za iste aktivnosti iz biznis plana odabranog podnosioca prijave, odnosno da nisu zaključili ugovor o dodjeli grant sredstava koja potiču iz prednje navedenih izvora,
  - ii. da podnosilac prijave i/ili odgovorno lice u podnosiocu prijave i/ili vlasnik/osnivač podnosioca prijave nije u sukobu interesa u smislu Zakona o prevenciji i suzbijanju korupcije u Kantonu Sarajevo ("Službene novine Kantona Sarajevo", br. 35/22, 44/22 i 55/22) u slučaju zaključivanja ugovora o dodjeli poticajnih sredstava na osnovu ovog Javnog poziva,
  - iii. da je saglasan da Ministarstvo privrede Kantona Sarajevo može obrađivati dokumente kojima se dokazuje njegov lični identitet i lični identitet drugih lica u vezi sa predmetnom prijavom shodno odredbama Zakona o zaštiti ličnih podataka ("Službeni glasnik Bosne i Hercegovine", broj 12/25),
- h) Bjanko ovjerenu mjenicu (original);
- i) Mjениčnu izjavu popunjenu u štampanoj formi (Prilog 6. Javnog poziva) (original).

#### **Posebne napomene:**

- Podnosilac prijave (subjekt male privrede) odabran odlukom Vlade Kantona Sarajevo prije zaključenja ugovora o dodjeli poticajnih sredstava ima obavezu da dostavi cjelokupnu dokumentaciju iz Poglavlja VII.1.2 ovog Javnog poziva Ministarstvu privrede Kantona Sarajevo. Ugovorom o dodjeli poticajnih sredstava definisat će se svi detalji i pravila korištenja predmetnih poticajnih sredstava (prava i obaveze ugovornih strana).
- Korisnik sredstava ima obavezu da posluje minimalno jednu godinu, počev od dana početka korištenja prostorija Inkubatora, a u tom periodu mu nije dozvoljeno otuđenje osnovnih sredstava finansiranih poticajnim sredstvima dodijeljenim po ovom Javnom pozivu.
- Krajnji rok za zaključivanje ugovora sa odabranim podnosiocem prijave (subjektom male privrede) koji Ministarstvu privrede Kantona Sarajevo dostavi dokumentaciju iz Poglavlja VII.1.2 ovog Javnog poziva do dana 01.12.2026. godine je 31.12.2026. godine.
- Shodno članu 8. stav (3) Pravilnika o postupcima u provođenju programa razvoja male privrede ("Službene novine Kantona Sarajevo", br. 17/25 i 18/26), dokumentacija dostavljena po Javnom pozivu ne vraća se podnosiocu prijave.

#### **VIII ROK ZA PODNOŠENJE PRIJAVA**

Rok za dostavljanje prijave je 30 (trideset) dana od dana objave Obavještenja o Javnom pozivu u "Službenim novinama Kantona Sarajevo", odnosno od 02.07.2026. godine. Javni poziv, prijavni obrazac, i pripadajući prilozi objavljeni su na web stranici Ministarstva privrede Kantona Sarajevo: <http://mp.ks.gov.ba/>.

#### **IX MJESTO I NAČIN PODNOŠENJA PRIJAVA**



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-122, Fax: + 387 (0) 33 562-226  
Web: <http://mp.ks.gov.ba>, E-mail: [mp@mp.ks.gov.ba](mailto:mp@mp.ks.gov.ba)

Prijava se podnosi u zatvorenoj koverti direktno na protokol Kantona Sarajevo ili preporučeno putem pošte na adresu: Ministarstvo privrede Kantona Sarajevo, ulica Reisa Džemaludina Čauševića broj 1, sa naznakom "Ne otvarati - po Javnom pozivu za dostavljanje prijave u svrhu dodjele finansijskog poticaja sa inkubacijom za novoosnovane poslovne subjekte" što mora biti navedeno na prednjoj strani koverta. Za podnosioca prijave (fizičko lice) na poleđini koverta obavezno je navesti sljedeće: ime i prezime podnosioca prijave, adresa, e-mail adresa i kontakt telefon. Za podnosioca prijave (subjekt male privrede) na poleđini koverta obavezno je navesti sljedeće: puni naziv podnosioca prijave, adresa sjedišta, ID broj, e-mail adresa i kontakt telefon, te ovjeriti potpisom ovlaštenog lica i pečatom.

Osim za program "Obezbjedenje kreditiranja pod povoljnijim uslovima" iz Godišnjeg plana, po kojem se izbor krajnjih korisnika poticajnih kreditnih sredstava obavlja u skladu sa javnim pozivom koji objavljuje odabrana banka, subjekt male privrede može podnijeti samo jednu prijavu po samo jednom pojedinom programu dodjele poticajnih sredstava iz Godišnjeg plana. U slučaju da je subjekt podnio dvije prijave po odnosnim programima iz Godišnjeg plana, njegove prijave će biti odbačene odnosno bit će isključen iz postupka dodjele sredstava.

## X KRITERIJI ZA IZBOR KORISNIKA

Na podnosiocima prijave koji u I fazi zadovolje sve uslove ovog Javnog poziva bit će primijenjeni kriteriji za rangiranje - ocjena kvaliteta i tržišnog potencijala odnosnog biznis plana, a u procesu ocjene kvaliteta biznis plana podnosioci prijave koji zadovolje uslove ovog Javnog poziva bit će pozvani na intervju pred Komisijom. Maksimalan broj bodova je 100 bodova. Podnosioci prijave koji ne ostvare više od 50 bodova ne mogu ući u dalju proceduru dodjele sredstava po ovom Javnom pozivu. Po ovom Javnom pozivu može biti odabran broj korisnika do iskorištenja limita iz Poglavlja IV tačaka A. i B. ovog Javnog poziva.

Za ocjenu kvaliteta i tržišnog potencijala biznis plana podnosioca prijave koristit će se kriteriji prikazani u Tabeli 3. ovog Javnog poziva.

**Tabela 2. Minimalni sadržaj biznis plana**

Minimalni sadržaj biznis plana	
Redni broj	Obavezno poglavlje
1	Podaci o osnivaču
2	Kratak opis poslovne ideje
3	Opis proizvoda/usluge
4	Poređenje proizvoda/usluge sa proizvođačom/uslugom konkurencije
5	Cijena proizvoda/usluge
6	Ciljano tržište
7	Konkurencija
8	Kratak plan marketinga i prodaje
9	Naziv, lokacija, planirani oblik organizacije (d.o.o., obrt itd.)
10	Podaci o ulozi osnivača u poslovnom subjektu
11	Ljudski resursi
12	Podaci o menadžmentu
13	Proizvodni proces
14	Podaci o dobavljačima i potrebnim uslugama

15	Rizici i načini smanjenja rizika
16	SWOT analiza (analiza snaga, slabosti, prilika i prijetnji)
17	Plan početnih ulaganja (sopstveno učešće, potreban iznos poticajnih sredstava koja se traže od Ministarstva privrede Kantona Sarajevo po ovom Javnom pozivu, ukupan iznos sredstava početnih ulaganja – budžet projekta)
18	Narativni opis plana finansiranja poslovnog subjekta (podrazumijeva opis aktivnosti koje se finansiraju sopstvenim učešćem i opis aktivnosti koje će se finansirati iz traženog iznosa poticajnih sredstava)
19	Finansijske projekcije za prve tri godine poslovanja (broj zaposlenih, bruto prihodi, bruto rashodi, fiksni troškovi, varijabilni troškovi, poslovni prihodi i poslovni rashodi, poslovni dobitak/gubitak, neto dobit, učešće proizvoda/usluge u bruto prihodima za godinu)

**Tabela 3. Kriteriji za ocjenu kvaliteta i tržišnog potencijala biznis plana podnosioca prijave**

I Kriteriji za ocjenjivanje kvaliteta biznis plana	
Naziv kriterija	Broj bodova
Istraživanje tržišta	0-10
Marketing plan	0-8
Plan pružanja usluga/proizvodnje	0-14
Plan organizacije i menadžmenta	0-8
Finansijski plan	0-10
II Kriteriji za ocjenjivanje doprinosa biznis plana lokalnoj ekonomiji	
Naziv kriterija	Broj bodova
Inovativnost	0-10
Ocjena održivosti	0-22
Mogućnost kreiranja novih radnih mjesta	1 radno mjesto - 4 boda
	2 i više radnih mjesta - 6 bodova
Mogućnost izvoza	0-5
Mogućnost upošljavanja lokalnih dobavljača	0-7
<b>Maksimalan broj bodova</b>	<b>100</b>

## XI OSTALE ODREDBE

Sa odabranim korisnicima Ministarstvo privrede Kantona Sarajevo zaključuje ugovor o dodjeli poticajnih sredstava, nakon čega se sredstva doznačavaju na dostavljene račune korisnika. U skladu sa ugovorom korisnik poticajnih sredstava ima obavezu da po izvršenoj dodjeli sredstava u roku od šest mjeseci dostavi dokaze o utrošenim odobrenim sredstvima po prihvaćenom biznis planu, odnosno ugovore i/ili račune kojima se dokazuje namjensko korištenje sredstava i dokaze o plaćanju dostavljenih računa (izvod iz banke ili potvrda banke o realizovanom nalogu za plaćanje), te fotodokumentaciju opreme koja je nabavljena. Ministarstvo privrede Kantona Sarajevo se obavezuje da vrši nadzor nad provođenjem ugovornih obaveza iz ugovora o dodjeli poticajnih sredstava, uvidom u dokumentaciju u vlastitim prostorijama i kod korisnika sredstava, a u slučaju potrebe i uvidom u podatke pribavljene službenim putem od strane relevantnog nadležnog organa. Ministarstvo privrede Kantona Sarajevo pri vršenju nadzora poduzima mjere iz svoje nadležnosti, a u slučaju kada činjenično utvrdi razlog za poduzimanje odnosne mjere ili utvrdi postojanje osnova sumnje da postoji krivična odgovornost određenog lica, u njegovom postupanju prije i nakon zaključenja ugovora, Ministarstvo privrede Kantona Sarajevo će bez odgađanja pokrenuti postupak utvrđivanja krivične odgovornosti tog lica prema nadležnim organima. Podnosilac prijave po ovom Javnom pozivu, u cilju

zaštite svojih prava, može dostaviti pisani prigovor Ministarstvu privrede Kantona Sarajevo, u roku od osam dana od dana objave preliminarnog prijedloga korisnika poticajnih sredstava. Po ovom prigovoru riješava Ministarstvo privrede Kantona Sarajevo, najkasnije u roku od 30 radnih dana.

**Napomena:** Zahtjev za dodatne informacije po određenim pitanjima iz ovog Javnog poziva se može podnijeti putem telefona: **033/258-132 i 033/258-135**, svakim radnom danom od 14:00 do 16:00 sati.



Dostavljeno:  
1. Evidenciji  
2. a/a



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-122, Fax: + 387 (0) 33 562-226  
Web: <http://mp.ks.gov.ba>, E-mail: [mp@mp.ks.gov.ba](mailto:mp@mp.ks.gov.ba)

